



Møtebok for Formannskapet

Møtedato: 10.05.2022
Møtestad: Formannskapsrommet Flodmaal
Møtetid: 09:00 - 15:00

Orienteringar

- Teknisk sjef Tone Selmer Skuggevik vil leggje fram drøftingsgrunnlag for bustadutvikling under orienteringar.
- Status og framdrift prosjekt investeringsbudsjett 2022
- Status rassikringsarbeidet bak Bryggjeslottet

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Liv Anne Aanesen	SA	Medlem	
Kristin Nåmdal	SA	Medlem	
Håvard Engeseth	SO	Medlem	

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	
Magne Verpelstad	Økonomisjef	Administrasjon	
Tonje Husum Aarland	Ass. rådmann	Administrasjon	

Sakliste

Saknr	Tittel
011/2022	Godkjenning av innkalling og sakliste
012/2022	Godkjenning av møteprotokoll
013/2022	Orienteringssaker
014/2022	Forslag til avtale om administrativt vertskommunesamarbeid gjeldande barnevernstenesta

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	22/106

Saksnr	Utvalg	Type	Dato
011/2022	Formannskapet	PS	10.05.2022

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Formannskapet - 011/2022

FOR - behandling:

Samrøystes vedteke

FOR - vedtak:

Innkalling og sakliste vert godkjent.

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	22/106

Saksnr	Utvalg	Type	Dato
012/2022	Formannskapet	PS	10.05.2022

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Formannskapet - 012/2022

FOR - behandling:

Samrøystes vedteke

FOR - vedtak:

Møteprotokoll vert godkjend slik den ligg føre.

Vedlegg:

Protokoll - Formannskapet - 22.03.2022

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	22/106

Saksnr	Utvalg	Type	Dato
013/2022	Formannskapet	PS	10.05.2022

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 013/2022

FOR - behandling:

- Teknisk sjef Tone Selmer Skuggevik la fram drøftingsgrunnlag for bustadutvikling
 - Arealplankartet; ulike type tomtar.
 - Kyrkjelydstomta; vurderingar kring formålsendring og utvikling - eiga sak til formannskapet/planutvalet og kommunestyret om omregulering til bustad med vilkår til eventuell kjøpar.
 - Kommunal utleigebustad på Otterstad; vil trenge rehabilitering og bør gjerast ei vurdering kring denne etter kvart.
 - Område med moglegheiter for bustadutvikling; vil vere nyttig med ein heilheitleg ras- og flomrapport, og sjå dette som ein del av dei grunnundersøkingane som skal gjerast på Mo.
 - Status for attføring til dyra mark i landbruksareal; orienteringssak til neste møte i FS
- Orientering om status og framdrift prosjekt investeringsbudsjett 2022
 - Kort orientring om ulike prosjekt knytt til småinvesteringar med løyving i framlegget for 2022.
 - Oversyn og status over investeringsprosjekt med planlegging i 2022 - 25.

- Status rassikringsarbeidet bak Bryggjeslottet
 - Tre faser; er inne i fullføring av fase 2 der ein sikrer fjellet med bolter, og skal vere ferdig i slutten av mai.
 - Siste fase; sette opp fanggjerd og tilrettelegge dette med tanke på grunneigar.
 - Det er signalisert at prosjektet skal vere i mål til fellesferien.
- Rådmann Jo Tømmerbakke orienterte om grensejustering mellom kommunane Modalen og Alver
 - Tilbakemelding frå Statsforvaltar om at det ikkje vil bli sett i gang eiga sak.
- Orientering om mottak av flyktningar
 - Vedtak om å ta imot inntil 20 flyktningar registrert i IMDI.
 - Signal om at det fram til no er færre flyktningar med behov for busetting enn det kommunane har gjort vedtak om å busette.
- Interkommunal legevakt
 - Prosess kring ny avtale om interkommunal legevakt.
 - Regionrådet har sett i gang prosess om å sjå nærare på fleire styringsformer for legevakt.
- Nye tilsettingar i Modalen kommune
 - Biblioteksjef
 - Leiar for kundetorget.
- Ordførar Kjetil Eikefet orienterte om høgtidleg opningsmarkering av Flodmaal
 - Det er planlagt opning måndag 23. mai frå kl. 14.00 med kulturelle innslag
 - Formell invitasjon kjem i løpet av denne uka.
- Opning av dagsturhytta
 - Planlagt opning laurdag 11. juni med eit kort program
 - Organisert buss t/r Mo.
- Revisjon og oppfølging av vilkår 19: Fiskevandring i Hellandsfossen
 - Møte mellom Modalen kommune og Eviny om fisketrapp
 - Rapportar frå Multikonsult og Norkonsult med tilrådingar for raske tiltak og oppgraderingar
 - Møte mellom Eviny, Miljødirektoratet og Statsforvaltar
 - Vurdere dato for- og kven som bør vere med ved synfaring
 - Det vil vere nyttig med forventningsavklaringar kring ansvarsdeling og oppfølging av vilkår og styringsrettar- og prosesser opp mot NVE.
- Søknader om midlar til aktiviteter i Modalen kommune
 - Drøfting kring korleis kommunen kan forholde seg til private søknader
 - Vurdere om det er behov for prinsipielle retningslinjer med tanke på handsaming
 - Vurdere om søknader kan knyttast opp mot eksisterande lag- og organisasjonar, og eventuelt handsame politisk.
- Kort orientering om at fylket har sett av midlar til dekkelegging på fylkesveg i Modalen kommune.

- Økonomisjef Magne Verpelstad orienterte om status for årsrekneskapen 2021 og gjekk gjennom nøkkeltal av mellom anna:
 - Netto driftsresultat, korrigert netto driftsresultat og rekneskapsmessig mindreforbruk
 - Totalt sett mindreforbuk innan budsjettområda
 - Sentrale inntektspostar
 - Spesielle hendingar/omsyn som påverka rekneskapen
 - Ubundne fondsmidlar
 - Lånegjeld og likviditet
 - Investeringsrekneskapen.
- Spørsmål kring handsaming av lokal forskrift om jakt på hjort i Vaksdal kommune, Vestland
 - Sak 47/2022 i formannskapet i Vaksdal kommune
 - Korleis har høyringsprosessen vore. Be landbruk kome tilbake med meir informasjon i neste møte.

Samrøystes vedteke

FOR - vedtak:

Sakene vert tekne til orientering.

Sakspapir

Saksbehandler	Arkiv	ArkivsakID
Tonje Husum Aarland	FE-026	22/111

Saksnr	Utvalg	Type	Dato
014/2022	Formannskapet	PS	10.05.2022
	Kommunestyret	PS	

Forslag til avtale om administrativt vertskommunesamarbeid gjeldande barnevernstenesta

Forslag til vedtak:

Modalen kommune vedtek samarbeidsavtalen for etablering av administrativt vertskommunesamarbeid om barnevern slik den ligg føre.

Rådmannen i Modalen får fullmakt til å overføre rådmannen si fullmakt for barnevernet til rådmannen i vertskommunen, Osterøy kommune, før oppstart av samarbeidet.

Rådmannen samarbeider med rådmennene i Osterøy og Vaksdal om ein plan for oppstart og implementering. I den grad implementering ikkje kan løysast innanfor vedtekne rammer, eller ekstern finansiering, vert dette reist i eigen sak for kommunestyret.

Kommunestyret i Modalen gir administrasjonen fullmakt til å finna ei utforming på namnet for det interkommunale barnevernet, som ivaretar behovet for å identifisera barnevernet på vegne av kommunane Vaksdal, Osterøy og Modalen.

Kommunestyret i Modalen kommune ber rådmannen syte for følgjande:

1. Det vert avsett operativ støtte frå Modalen kommune i det interkommunale barnevernsamarbeidet i første virkningsår etter behov.
2. At ein får vurdert samarbeidet og førebur sak til kommunestyret i desember 2022, med tilråding om å fortsette eller seie opp samarbeidsavtalen. I ein eventuell oppseiingsperiode skal ein utgreie alternativ til vedteken modell.
3. At kommunestyret to gonger i året vert orientert om arbeidet i Osterøy, Vaksdal og Modalen interkommunale barnevern.
4. At kommunestyret vert orientert om handlingsplan og arbeid med å lukke avvika i Rapport frå tilsyn med barnevernstenesta sitt arbeid med undersøkingar i Osterøy kommune 2022.
5. At det blir rapportert til kommunestyret om internkontroll etter Lov om barnevernstjenester (barnevernloven) § 2-1 og Kommuneleva § 25-1 særskilt.

Saksopplysningar:

Bakgrunn

Modalen kommune har fram til d.d. kjøpt barnevernstenester av Vaksdal kommune. I 2021-2022 har Vaksdal kommune gjennomført utgreiing og vurderingsprosess saman med Osterøy kommune om eit mogleg interkommunalt samarbeid om barnevernstenester i desse kommunane. Modalen kommune har vore orientert, både gjennom informasjonsmøte internt og gjennom orienteringar i formannskapet og kommunestyret.

Vaksdal kommune og Osterøy kommune har i mars og april vedteke å inngå samarbeidsavtale om interkommunalt vertskommunesamarbeid for barnevernstenesta i Osterøy og Vaksdal kommunar. Modalen kommune er invitert til å delta i det interkommunale samarbeidet.

Vurdering

Det er utarbeida ein samarbeidsavtale som omhandlar eit interkommunalt vertskommunesamarbeid om barnevernstenester mellom kommunane Vaksdal og Osterøy, der Osterøy kommune er vertskommune.

Modalen kommune har vore informert om prosessen, og avventa med involvering utover dette. Endringa som no skjer, gjer at Modalen kommune må ta stilling til vidare organisering av barnevernstenesta i Modalen kommune.

Barnevernstenesta i Vaksdal kommune har i fleire år hatt ansvar for barnevernstenesta i Modalen kommune. Tilbakemeldingane frå administrasjonen er at samarbeidet med Vaksdal kommune vert vurdert som godt og at ein har vore svært nøgd med kommunikasjonen og samhandlinga som har vore mellom tilsette i Modalen og Vaksdal barnevern. Det vert signalisert at ein i interkommunalt samarbeid om barnevernstenester i Osterøy og Vaksdal, ønskjer å vidareføre samhandling- og kommunikasjonsrutinar i vidare interkommunalt samarbeid.

Barnevernsreforma (også kalla oppvekstreforma) som trådde i kraft 1. januar 2022, gjev kommunane auka fagleg og økonomisk ansvar for barnevernstenesta, der intensjonen frå staten sin side er å gje kommunane moglegheiter for meir førebyggjande arbeid og samarbeid på tvers av tenester (jf. KS.no). I dialog med Osterøy og Vaksdal er det tydeleg fokus på å følgje opp dette, med særleg styrking av lokal forankring og styring. Mellom anna er det skissert i forslag til samarbeidsavtalen at barnevernstenesta skal vere til stades lokalt i kommunane etter tenestleg behov for barnevernstenesta. Vaksdal kommune stiller kontor- og møtelokale til disposisjon til lokal bruk for barnevernstenesta og for tverrfagleg samarbeid med andre relevante tenester i kommunen. Det er signalisert at det same vil gjelde for Modalen kommune dersom kommunestyret vedtek å inngå i vertskommunesamarbeidet.

Det er vidare skissert i forslag til samarbeidsavtale at vertskommunen skal løypande- og så snart som mogleg rapportere om tiltak som kan ha store økonomiske konsekvensar for samarbeidskommunen. Det skal opprettast eit samarbeidsråd med representasjon av barnevernleiar og kommunedirektørar ev. annan representant frå toppleiarnivået som kommunedirektøren bestemmer. Samarbeidsrådet skal ha møte to gonger i året. Rutinar for budsjettering og rapportering vil bli handsama i samarbeidsrådet.

Økonomi

Fordelinga av administrative kostnader vert gjort ut frå innbyggjartal i gruppa under 18 år. Samansetjinga i dag er at Osterøy har 69 % og Vaksdal har 31 % av innbyggjarar i denne gruppa. Dersom Modalen kommune vert med, er dette ein relativt liten %-del inn i dette, og omslagsvis vil dette seie ein fordeling der Modalen har 3 %, Osterøy 68 % og Vaksdal 29 %. Kostnadane til personell og kontor for 2022 er budsjettert til 8,5 millionar kr for kommunane, og vil i så fall bli fordelt etter denne fordelingsnøkkelen. Tiltak som vert sett inn vert dekkja av kommunen som barnet bur i.

Denne fordelingsnøkkelen vurderast som gunstig for Modalen kommune. Erfaringsvis ser ein at fordelingsnøklar for liknande tenestesamarbeid i andre interkommunale samarbeid oftast opererer med ein fast grunnkostnad i tillegg til ein fordeling etter innbyggjartal. Rådmannen vurderer det som positivt at ein her vel ein slik kostnadsfordeling, og at det er naturleg at kostnader knytt til eventuelle tiltak vert dekkja av den kommunen barnet bur i.

Alternative samarbeid

Modalen kommune har verken personal- eller økonomiske ressursar til å tilby eit robust barnevern aleine. Alternative samarbeid utanom samarbeid med Vaksdal og Osterøy, er eventuelt desse:

- Barnevernstenesta i Alver, Austrheim og Fedje kommunar
- Barnevernstenesta i Gulen og Masfjorden kommunar

Begge desse er interkommunale vertskommunesamarbeid. Modalen kommune har interkommunale samarbeid med alle desse kommunane innan andre tenesteområde, men har ikkje erfaring frå samarbeid om barnevernstenester. Det vert signalisert at fordelingsnøkkel for kostnader er noko anna enn den som er foreslått i vertskommunesamarbeidet mellom Vaksdal og Osterøy.

Konklusjon

På bakgrunn av forslag til avtaleutkast, og på grunnlag av det faglege og administrative samarbeidet som ein har hatt mellom kommunane, tilrår rådmannen at Modalen kommune inngår samarbeidsavtale om barnevernstenesta med kommunane Vaksdal og Osterøy.

Rådmannen set i gang arbeidet med å etablere vertskommunesamarbeid om barnevern med kommunane Vaksdal og Osterøy, der Modalen kommune er ein likestilt samarbeidspart.

Formannskapet - 014/2022

FOR - behandling:

Rådmann Jo Tømmerbakke og assisterande rådmann Tonje Husum Aarland orienterte innleiingsvis i saka.

Kristin Nåmdal lag fram forslag om å stryke punkt 2 og 4 i forslag til vedtak.

Nytt forslag til vedtak vart samrøysta vedteke.

FOR - vedtak:

Modalen kommune vedtek samarbeidsavtalen for etablering av administrativt vertskommunesamarbeid om barnevern slik den ligg føre.

Rådmannen i Modalen får fullmakt til å overføre rådmannen si fullmakt for barnevernet til rådmannen i vertskommunen, Osterøy kommune, før oppstart av samarbeidet.

Rådmannen samarbeider med rådmennene i Osterøy og Vaksdal om ein plan for oppstart og implementering. I den grad implementering ikkje kan løysast innanfor vedtekne rammer, eller ekstern finansiering, vert dette reist i eigen sak for kommunestyret.

Kommunestyret i Modalen gir administrasjonen fullmakt til å finna ei utforming på namnet for det interkommunale barnevernet, som ivaretar behovet for å identifisera barnevernet på vegne av kommunane Vaksdal, Osterøy og Modalen.

Kommunestyret i Modalen kommune ber rådmannen syte for følgjande:

1. Det vert avsett operativ støtte frå Modalen kommune i det interkommunale barnevernsamarbeidet i første virkningsår etter behov.
2. At kommunestyret to gonger i året vert orientert om arbeidet i Osterøy, Vaksdal og Modalen interkommunale barnevern.
3. At det blir rapportert til kommunestyret om internkontroll etter Lov om barnevernstjenester (barnevernloven) § 2-1 og Kommuneleova § 25-1 særskilt.

Vedlegg:

Avtale om interkommunalt vertskommunesamarbeid for Osterøy og Vaksdal barnevern